


Dienelkander



Nuusbrief van die Gereformeerde Kerk Potchefstroom-Oos

27 Oktober 2019

OGGENDDIENS: Ds. Piet

Die doop word vanoggend bedien aan Hannah, dogtertjie van Dirk en Annuschka Snyman. Baie welkom aan vriende en familie en ons is saam met julle dankbaar.

Woordbediening:

Met 'n vorige doopgeleentheid het ons uit die Woord gefokus op die betekenis van die doop as sigbare, heilige teken en seël (Heidelbergse Kategismus Sondag 26 en 27). Onthou julle nog die tema? Moenie in die doopwater verdrink nie! Lewe heilig volgens die heilige doop wat jy ontvang het.

Die doop is sigbare verkondiging van God se genade in Christus. Die doop is heilig want God self het dit ingestel vir sy volk en dit dui ook op die skeiding wat God trek tussen geloof en ongeloof. Die heiligheid van die doop roep ons almal egter dringend op tot 'n heilige, rein lewe.

Vanmore gaan ons dieper kyk na 'n ander aspek van die doop, naamlik dat die doop ook die dopeling se inlywing in die gemeente van Christus afbeeld. Met die doop verklaar die Here dat ons deel word van sy kerk - daarom word ons na die doop "dooplidmate" genoem.

Wat beteken dit dat die dopeling deel is van die gemeente van God? Dit dui op die wonderlike liefde van God wat ons deel maak van sy gesin en wat die gemeente vir ons beteken. **Die doop roep ons egter op**

om meelewende en aktiewe lidmate van hierdie huisgesin van God te wees. Geloof gebeur in gemeenskap met ander, dit is nooit 'n saak net vir die individu nie! God skenk dit aan jou om in gemeenskap met ander te leef. Die doop vra vanmore vir jou: is jy 'n lewende lid van hierdie gemeente?

Tema: Die doop bevestig dat die lewende God jou deel maak van sy huisgesin (die gemeente) waar jy ware geloof in Christus moet leef.

Lofsang met die oog op die erediens
Psalm 100-1: 1, 2, 3, 4; Lied 542: 1, 2 en Lied 553: 1

God en ons ontmoet mekaar
Intreelied: Ps 27-3: 3; Votum; Seën; Loflied Ps 48-2: 1, 2, 3; Geloofsbelijdenis: 12 Artikels - almal hardop saam.

Ons verootmoedig ons voor God
Wet uit Eks 20; Sing na die wet Sb 3-5: 1, 2, 3; Gebed

Bediening van die Sakrament
Doopformulier; Sing na die doop Sb 16-1: 1, 2, 3 (kleuters gaan na hulle Woordbediening); Gebed

God bedien aan ons sy Woord en ons ontvang dit aktief in geloof
Skriflesing: 1 Timoteus 3: 14 - 16 ; 1 Petrus 2: 4 - 6 en Efesiërs 2: 19 - 22
Teksverse: 1 Timoteus 3: 15

Heidelbergse Kategismus vraag en antwoord 74; Woordverkondiging

Ons antwoord op die Woordbediening

Sing: Ps 84-2: 1, 4, 5; Liefdegawe; Gebed;
Sing Ps 91-1: 1, 6 (tweede melodie); Seën;
Amenlied Sb 13-2.

18:00 AANDDIENS: GESAMENTLIKE HERVORMINGSDIENS

Die datum wat in die kerkgeskiedenis gebruik word om die begin van die groot kerklike hervorming in Europa aan te dui, is 31 Oktober 1517. Deur die eeue het dit gebruik geword dat die kerke van die reformasie (Hervorming) hierdie ingryping van God jaarliks op die laaste Sondag van Oktober herdenk.

Al die Gereformeerde Kerke in Potchefstroom kom vanaand in die kerkgebou van die GK Potchefstroom Die Bult bymekaar in erediens onder toesig van GK Cachet. Kom ons gaan dank die Here dat Hy sy kerk weer deur die gelowiges van die Hervorming op Bybelse grondslag geplaas het en dat ons vandag nog die vrug hiervan in ons kerk kan geniet.

MEELEWING

- Janet van der Walt is vroeg Maandagoggend oorlede na 'n baie lang en moeisame siekbed. Ons bid oom Japie (Groep 7 – 084 743 5182) en sy familie die troos van die Here toe. Die troosdiens was Vrydag hier in ons kerkgebou.
- Gep Floor (Groep 28 - 083 388 1250) word nog in Medikliniek behandel.
- Jasper Venter (Groep 39 - 082 854 7229) is ontslaan uit Pretoria-Oos hospitaal en gaan tuis by sy dogter in Pretoria, vanwaar sy behandeling met 'n ander tipe chemoterapie voortgaan.
- Anna Smith (Groep 37 - 082 765 9813) se skouervervanging-operasie het goed

afgehoop.

- Magda Huisman (Groep 5 – 084 548 2714) is in MooiMed opgeneem met brongitis.
- Louisa Grobler (Groep 26 – 074 151 1085) se ma, wat ook Celia Kruger (Groep 34 – 074 180 3449) se ouma is, is oorlede en is die afgelope week begrawe. Ons bid hulle die troos van die Here toe.

Ons bid dat die Here beterskap, herstel, bemoediging en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Isak vd Walt, Bert en Gep Floor, Jacoba v Rooy, Magdaleen Venter, Koos en Marlene Jooste, Lana Labuschagne en Annette Coetsee.

ONDERSTEUNING VIR SIEKES

Vir ondersteuning of besoeke deur die hospitaalbesoek-diensgroep, skakel hierdie week vir: siekes@oosdoppers.co.za of Marian de Kock (082 950 4358) en Earnest de Vries (082 903 8422)
Medikliniek = 09:00-13:00 en 15:00-20:00
Mooimed = 11:00-11:30 en 15:00-16:00
en 19:00-20:00
Potch Hospitaal = 15:00-16:00
en 19:00-20:00

50 JAAR X 4! BAIE GELUK MET DIE MOOI MYLPAAL!

Vier huwelikspare in ons gemeente het verlede Donderdag, 17 Oktober, hul 50 ste huwelikherdenkings dankbaar met 'n heerlike ontbyt saam gevier. Die 4 pare is Roelf & Joke Botha, Douw & Hantie Grobler, Dirk & Joey Lubbe en Petri & Elize Schutte. Baie geluk met die mooi mylpaal in julle lewe! Julle is vir ons 'n mooi voorbeeld om na te volg.

PROGRAM VAN DIE WEEK

Vandag

- 09:00 Gebedsgroep
- 09:30 Oggendiens
 - Kleuterbediening
 - Katkisasie, les 26
 - Tee en koffie in die Skuur
- 18:00 Gesamentlike Hervormingsdiens by GK Potch Die Bult se kerkgebou.

Maandag

- 16:30 Admin diensgroep: Kalender 2020
- Geen Finansdiensgroep
- 18:30 Katkisasie diensgroep - vervroegde tyd

Dinsdag

- 06:00 Manne-Ondersteuningsgroep

Woensdag

- 18:00 Katkisasie Gr 8 - afsluiting
- 18:00 Katkisasie Gr 11 - afsluiting
- 19:00 Bybelstudie Klipdrif: afsluiting

Volgende Sondag

- 15:00 Katkisasie-afsluiting

AFKONDIGINGS

- Liefdegawe vanoggend vir Barmhartigheid (Zapper betaal-metode beskikbaar)
- Gawe by die deure vanoggend vir Bybelverspreiding.
- Gawes volgende Sondag vir die Emeritusfonds.
- Vrywillige bydrae vir voertuigsekuriteit in die bussies by die deure.
- Diensbeurte: Groep 16 en 17.

KATKISASIE-AFSLUITING: SONDAG, 3 NOVEMBER

Ons kategete beplan weer 'n baie lekker afsluitingsgeleentheid vir al ons katkisante op Sondag, 3 November. Ons nooi al ons kategete en kinders uit - ook die voorskoolse kleuterklassie - om dié Sondagmiddag lekker saam te kom kuier en die jaar se werk af te sluit.



DANKBAARHEIDSFEEES: DIT WAS LEKKER!!



Baie dankie aan ons Diakonie wat 'n heerlike fees aangebied het en waar ons as gemeente weer lekker kon saamkuier en terugdink oor die genade en seën van die Here oor ons lewe! Baie dankie aan almal wat bydraes gemaak het om die fees moontlik te maak.

DIEN JY IN DIE GEMEENTE VOLGENS DIE GAWES WAT DIE HERE JOU GEGEE HET? WEET JY WAT JOU GEESTELIKE GAWES IS?

Een van die mooi ontwikkelinge van die Vlamvatprojek is om alle lidmate te help om te verstaan wat hulle geestelike gawes is en hoe hulle dit in die gemeente kan gebruik - ons noem dit ons Gawebediening. Kyk in Rom. 12: 3 - 8 en 1 Kor. 12. Deur middel van 'n persoonlike gesprek oor jou gawes en die invul van 'n rekenaarprogram, help ons jou om jou geestelike gawes te identifiseer en toe te pas in die bedieninge van ons gemeente.

Hierdie Gawebediening in ons gemeente bereik nou 'n nuwe fase wat ons graag vandag wil bekend stel! 'n Boekie met die dokumentasie oor wat die gesprekvoering oor jou gawes behels, is saamgestel en word na die diens vanoggend bekend gestel. Die boekie gee inligting waaroor die gesprek gaan en kopieë hiervan sal in die portaal beskikbaar wees vir lidmate wat belangstel om die gesprek te voer.

Die positiewe terugvoer van lidmate wat reeds die proses deurloop het, is oorweldigend positief. Hulle het hulle gawes herondek en bowenal beleef dat gawes in die eerste plek in diens van die Here aangewend moet en dat dit soveel vrede en vreugde bring.

Ons vertrou dat lidmate van hierdie

geleentheid gebruik sal maak, veral lidmate wat tans onseker voel oor hulle rol in die gemeente en behoefte het aan so 'n gesprek.

Na die diens sal Huib van Hamburg 'n kort aanbieding hieroor gee en lidmate wat graag meer wil weet oor hulle geestelike gawes word uitgenooi om hom hieroor te skakel by 082 5505 493.

VERJAARSDAE

Baie geluk aan almal wat DV hierdie week verjaar!

Sondag, 27 Oktober

Br Pieter Lourens (73) 072 113 4961
Sr Marthie Schutte (70) 082 597 8589

Maandag, 28 Oktober

Sr Carine Basson 076 020 2316
Br Pieter de Villiers (77) 018 290 6064
Br Tjaart Earle 082 090 6299

Dinsdag, 29 Oktober

Sr Myra du Plooy 082 691 8637
Sr Hantie Grobler (73) 082 675 3893
Sr Karin Kruger 082 885 0004
Br Victor Myburgh 083 308 5142
Br Martin Scheppel 073 562 6678

Woensdag, 30 Oktober

Jsr Elizka de Bruyn
Sr Cecile de Waal 082 897 7542
Br Meyer Olivier 083 286 3242

Donderdag, 31 Oktober

Br Gerhard Turkstra (jnr) 082 066 9865

Saterdag, 2 November

Br Carl Quass (73) 082 335 8215
Br Erasmus Venter 072 154 9410

KASSIERE DIENSGROEP KYK NA NOOD BUITE DIE GEMEENTE

Die Kassiere diensgroep bestaan uit die kassiere en voorsitters van die Kerkraad, Susters, Diaconie en die Bediening na Buite Diensgroep. Ons ontvang voortdurend by al hierdie strukture van die gemeente versoeke

om finansiële hulp van buite-instansies. Dit is hierdie diensgroep se taak om al hierdie versoeke te koördineer.

Die diensgroep het vergader om al die aansoeke te oorweeg en te bepaal wie kan waar help. Daar is besluit om die volgende instansies te help. Ons dank die Here vir die gawes wat Hy ons gee sodat ons ook 'n hand van hulp na buite die gemeente kan verleen:

Diakonale Hulp:

GK Cachet: R 2 000-00
Noodtoestand onder boere in die Olifantshoek omgewing: R 5 000-00
Admin Buro Hulp aan Teol.studente: R2 000-00
Jan Kriel instituut: R 1 000-00
Totaal: R 10 000-00

Hulp ander kerke en instansies – Kerkraad:

Feba Radio - evangelisasie: R 1 000-00
Geopende Deure - hulp aan vervolgte Christene: R 1 000-00
Woordkafee - evangelisasie: R 1 000-00
Totaal: R 3 000-00

Hulp ander instansies - Susters:

GK Cachet Bouprojek: R 3 000-00
GK Kemptonpark Mooifontein Bediening na Buite: R 3 000-00
Totaal: R 6 000-00

Totale hulpverlening na buite vir tweede semester van 2019 = R 19 000-00.

KERSMARK 2019

Liewe gemeente
Die Kersmarkkomitee is reeds baie besig om alles gereed te kry vir die aanbied van 2019 se Kersmark. Ons sit **reeds lyste** uit sodat almal 'n goeie geleentheid het om hulle name op te skryf en aan te dui waar hulle bereid is om te help. Ons het ons gemeente se ondersteuning baie nodig om van hierdie geleentheid 'n sukses te maak.
Kersmark-groete

ALMANAK 2020 - DIE GKSA-JAARBOEK MET DAGSTUKKIES

Daar is 'n lys vir bestellings van die Almanak 2020 in die voorportaal van die Skuur. Die kostes beloop R86 per eksemplaar. Skryf asb u naam op indien u 'n Almanak wil hê.

BEJAARDES: AFSLUITINGSFUNKSIE

Ons nooi ons bejaarde lidmate om hul afsluitingsfunksie saam met ons te geniet by die Kersmark op **Dinsdag, 3 Desember** met 'n gratis ete by die Kersmark.

Die datum op ons jaarprogram verander dan van Woensdag, 13 November na Dinsdag, 3 Desember. Ons hoop om julle almal daar te sien!

BAIE DANKIE

Baie dankie aan almal wat my ondersteun het deur gebede, whatsapp's, sms'e en goeie wense asook besoeke tydens my verblyf in die hospitaal na my skouervervanging. Dit is 'n voorreg om deel te wees van Potch-Oos.

Anna Smith

VERSAMELING KERKBLAAIE

'n Lidmaat uit Oos-Londen verneem of iemand sy versameling Kerkblaai dalk wil hê. Die versameling strek vanaf Junie 2001 tot September 2019. Sommige nommers ontbreek, maar oor die algemeen is die jare volledig. Enige reëling vir die versending kan oorweeg word. As iemand die versendingskoste wil vereffen, kan die hele versameling gekoerier word. Skakel dries@wolfies.co.za of 084 513 5066 om die aangeleentheid met Dries van der Walt te bespreek.

KENNISGEWINGBORD

- Gereformeerde Kerk Potchefstroom: Oktoberfees
- Gereformeerde Kerk Cachet: Eerstejaarskamp 2020

BEROEPE NUUS

Beroepe ontvang:

- Ds MH le Roux (Marco) van GK Newcastle na GK Reitz/Lindley kombinasie.
- Ds GP Meijer (Gerben) van GK Vryburg/Bloemburg na GK Waterkloofrand.
- Ds TV Moruri (Victor) van GK Jouberton na GK Sebokeng, Sharpeville, Zamdela, Boibatong kombinasie.
- Ds HL Stavast (Henk) van GK Totiusdal na GK Nylstroom.

Beroep aanvaar:

Ds TV Moruri (Victor) van GK Jouberton na GK Sebokeng, Sharpeville, Zamdela, Boibatong kombinasie.

ALGEMENE INLIGTING

LIEFDEGAWES VIR BARMHARTIGHEID (DIAKONIE)

ZAPPER (Selfoon toepassing)

Hierdie QR-simboolkode is gekoppel aan die Diakonie se rekening en **slegs bydraes vir Barmhartigheid** kan daarmee gemaak word - geen ander betalings aan die Diakonie of kerkraad nie



KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt

– 082 851 3637

Prof. Herrie v Rooy

– 083 700 3933

Hanno van Schaik - 072 105 3961

Kerkkantoor: Adele 018 290 7690 /

kerkkantoor@oosdoppers.co.za

Kosterspaar: Johan 061 336 7255

Elsa 073 959 8051



SUSTERS IN DIE GELOOF

“Om-gee-wingsbewus”

Teeskinkgeleenthede

- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

*Tee word **vandag** deur die volgende groeplede en hul groepsusters bedien: Christelle Vorster en groep 2, Wilma Viviers en groep 11, Christa vd Walt en groep 21, asook Marie Oosthuizen en groep 31.*

***Volgende week** skink Annetjie Vermeulen en groep 3, groep 12, Corné Geyer en groep 22, asook Ina Jordaan en groep 32 se susters, tee. Baie dankie julle!*

Blikkies-warmharte

*Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan. **Baie dankie vir julle getroue bydraes!***



Sustersbydrae

Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelingsgeleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee



Potch-Oos Sustersafsluiting: Dinsdag 12 November

Liewe susters, Blok D nooi julle hartlik uit na ons Sustersafsluiting van hierdie jaar.

Kom luister na Lizette van Wyk wat ons gaan vertel om “meer as oorwinnaar” te leef!

Ons gaan rondom hierdie tema saam kuier. Elke dame bring ‘n geskenkie van ongeveer R50 saam, wat ons onder mekaar gaan uitruil as ‘n bederf. Skryf asb jou naam op die lys in die voorportaal sodat ons getalle het om die ete te kan voorberei.

Sluiting van bespreking: Woensdag 6 November

Belangrike datums vir die maand

DATUM	DAG	TYD	WIE	WAT
3 Nov	Sondag	15:00	Groepsusters	Katkisasie-afsluiting
12-Nov	Dinsdag	18:30	Blok D	Potch-Oos Sustersafsluiting
17-Nov	Sondag	12:00	Blok A	Nagmaalete
29 Nov – 7 Des	Vry - Sat	07:00 tot 20:00	Almal	Moorivier Kersmark
3 Des	Dinsdag	10:00	Bestuur en groepsusters	Bejaardelidmate: afsluiting

Baie dankie aan ons borg van die week!

 <p>Kerkstraat 199 Potchefstroom Tel: 297 7247</p> <p>MOORIVIER APTEEK PHARMACY</p> <p>Elke dag oop tot 20:30</p>		
		
		
		



OOSDOPPERTJIES

DADELIK 'N GETUIE

Johannes 4: 28-29 "Die vrou het na die dorp toe gegaan en vir die mense gesê: 'Kom kyk, hier is 'n man wat my alles vertel het wat ek gedoen het. Is Hy nie miskien die Christus nie?'"

Jesus het hierdie vrou liefgehad. Haar lewe was maar 'n gemors. Sy was al 'n hele paar keer getroud en het by 'n man gebly met wie sy nie getroud was nie. Sy het die een slegte besluit op die ander geneem. En haar houding was ook nie wat wonders nie. Sy praat met Jesus en sy is snipperig!

Maar Jesus het met haar bly praat, vir haar liefde bly gee en uiteindelik het die mure om haar hart ineengestort. En wat doen sy toe? Sy vertel vir ander mense van Jesus! Sy was dadelik 'n getuie. Dis wat vreugde doen. Dis wat verstaan doen. Verstaan jy hoe lief Jesus jou het? Verstaan jy hoe lief Hy vir die res van die wêreld is? Vertel hulle dan!



GEDAGTE VIR DIE WEEK!

**Life is peaceful when you rest
on the promises of God's Word.**

